

Capítulo 1	568.807,38 €
Capítulo 2	362.472,61 €
Capítulo 4	9.500,00 €
Capítulo 6	<u>552.007,91 €</u>
TOTAL ORZAMENTO	1.492.787,90 €

Navia de Suarna, 23 de decembro de 2015.- O Alcalde, José Fernández Fernández.

R. 4674

NEGUEIRA DE MUÑIZ

Anuncio

ANUNCIO BOP ORDENANZA REGULADORA DO USO DE CAMIÑOS PÚBLICOS NO CONCELLO DE NEGUEIRA DE MUÑIZ

O Pleno do Concello en sesión ordinaria realizada o día 18.12.2015 acordou aprobar a ordenanza reguladora do uso dos camiños públicos no Concello de Negueira de Muñiz.

O acordo expúxose ó público polo prazo de 30 días hábiles mediante anuncio publicado no BOP de 22.07.2014, presentándose alegacións que foron denegadas polo Pleno do Concello vistos os informes técnicos correspondentes.

A ordenanza queda aprobada definitivamente co seguinte texto :

ORDENANZA REGULADORA DO USO DE CAMIÑOS PÚBLICOS NO CONCELLO DE NEGUEIRA DE MUÑIZ

PREÁMBULO

Os cidadáns/ás, e os seus representantes municipais, son conscientes da necesidade de regular o bo funcionamento da rede de camiños do municipio de Negueira de Muñiz, pois é necesario evitar a súa deterioración, garantindo a súa conservación, e salvagardando o seu carácter de uso público.

Co propósito de dar resposta á preocupación cidadá nesta materia, créase un instrumento xurídico de aplicación xeral no municipio, en uso da potestade regulamentaria e de autoorganización atribuída aos municipios en virtude do establecido na lexislación de réxime local.

A presente Ordenanza, ten como finalidade proceder á regulación do uso, goce, mantemento, e respecto dos camiños de titularidade municipal, garantindo o carácter de uso público destes, e o seu respecto polos usuarios.

TÍTULO I. DISPOSICIÓNS XERAIS

ARTIGO 1º.

1. A presente ordenanza dítase en virtude da potestade regulamentaria municipal, definida no artigo 4.1 a) da Lei 7/1985 do 2 de abril, Reguladora das Bases de Réxime Local, e ten por obxecto a conservación, uso e goce dos camiños de titularidade municipal, en tanto que teñen a cualificación de bens de dominio público.

2. Quedan expresamente fóra da aplicación desta ordenanza os camiños, que dentro do termo municipal, non sexan de titularidade do Concello de Negueira de Muñiz.

3. En todo caso, terase en conta, ademais da presente ordenanza, o que dispoñan en cada momento os instrumentos de plan e demais normas urbanísticas que sexan de aplicación

ARTIGO 2. -

Están incluídos no ámbito regulador desta Ordenanza todos os camiños de dominio público do termo municipal.

Os citados camiños teñen a consideración de bens de uso e dominio público e, en consecuencia, son inalienables, imprescritibles e inembargables.

ARTIGO 3. -

A finalidade dos camiños públicos é o seu uso pacífico, libre, seguro e xeral, tanto para persoas coma para animais e vehículos.

Queda prohibido impedir o libre paso por eles, incluíndo a devandita prohibición acalquera práctica cuxo fin ou efecto sexa o de non permitir o uso xeral antes referido, tanto de palabra como por feitos, barreiras, obras calquera ou indicacións escritas de prohibición de paso, salvo as restricións previstas nesta ordenanza.

O uso común xeral dos camiños rurais de Negueira de Muñiz exercerase libremente conforme á natureza destes aos efectos de afectación e apertura ao uso público e ás Leis, Regulamentos, a esta Ordenanza e demais disposicións xerais.

O uso común dos camiños rurais de Negueira de Muñiz non excederá a velocidade de 25 Km/ hora nin o peso total dos vehículos ou maquinaria que os utilicen para o destino agrario será superior a 20.000 quilogramos.


ARTIGO 4. -

1.- As obras, instalacións, edificacións, valados calquera outra actividade ou ocupación en terreos colindantes dos camiños públicos requirirán, en todo caso, autorización municipal.

2.- Tódolos propietarios de fincas lindantes con camiños públicos están obrigados a manter os seus predios libres de maleza ou de outro elemento calquera que poida entorpecer o natural tránsito polo camiño público.

En caso de incumprimento das obrigas establecidas no párrafo anterior, as necesarias actuacións para paliar tal feito serán realizadas polo propio Concello con cargo aos obrigados, previo apercibimento de tal circunstancia.

3. Para a execución de valados, cercas, etc., observarase a preservación dun espazo libre de, alo menos, 1,5 metros desde a arista exterior da explanación do camiño, tal e como figura na ilustración que se xunta. Esta distancia será medida en proxección horizontal.



Excepcionalmente e dentro de núcleo para a execución de valados, cercas, etc., observarase a preservación dun espazo libre de, alo menos, 1 metro desde a arista exterior da explanación do camiño, tal e como figura na ilustración que se xunta. Esta distancia será medida en proxección horizontal.

ARTIGO 5. -

O Concello en circunstancias excepcionais e previa autorización, pode permitir nos camiños a circulación con pesos ou cargas que excedan da permitida, sempre que o solicitante ben o transportista ou persoa contratante ou beneficiada do transporte, asuma os danos que cause e demais condicións que imponha o Concello. -

ARTIGO 6. -

1.- Xestión e financiamento:

- a). O Concello con carácter xeral xestionará directamente os camiños ao seu cargo
- b). O financiamento das actuacións da rede de camiños do municipio efectuarase mediante as consignacións que para tal efecto se inclúan nos presupostos do Concello ou proveñan doutras administracións públicas.,

2. Vixilancia e control:

- a). A vixilancia e o respecto a todo o disposto nesta ordenanza e canto determine a lexislación específica e xeral en todo o relativo a camiños, corresponde ao persoal dependente do Concello debidamente autorizado, que vixiará o trazado e o estado destes, e informarán dos danos e agresións que se lles produza, das usurpacións ou indicios de usurpación e apropiacións indebidas, así como das verteduras ou calquera outras accións que os prexudiquen ou deteriorenen para o seu correcto uso e mantemento, estendéndose a oportuna denuncia cando proceda.

ARTIGO 7

1.- Son responsables directos da comisión de infraccións en materia de camiños:

Os que executen as accións constitutivas de infracción ou aqueles que ordenen estas, cando o executor se vexa obrigado a cumprir a devandita orde.

2.- Son responsables subsidiarios:

As persoas físicas ou xurídicas baixo cuxas ordes actúe ou traballe o responsable directo da infracción ao cometerse esta.

ARTIGO 8

1.- Sen prexuízo das sancións penais ou administrativas que en cada caso procedan, o infractor deberá reparar o dano causado. A reparación terá como obxectivo lograr a restauración do camiño ao estado en que se encontraba antes de cometerse a infracción, e o custo da devandita operación deberá ser financiado polos responsables da infracción. Os prazos para restaurar ou restituír os terreos ao seu estado orixinal ou executar os traballos pertinentes a tal fin, estableceranse para cada caso concreto nas resolucións dos procedementos tramitados, en función das súas propias características. Transcorridos os citados prazos, a Administración poderá proceder á restauración ou restitución repercutindo o seu custo aos infractores, os que deberán, así mesmo, aboar a totalidade dos danos e prexuízos ocasionados, que se tivesen fixado na resolución final do expediente sancionador, ou a indemnización destes, cando a súa contía quede determinada durante o procedemento ou se fixen no seu caso, na fase de execución.

ARTIGO 9

As infraccións contra a presente Ordenanza clasifícanse en leves, graves e moi graves.

1.- Son infraccións leves:

- Usar os camiños de forma inapropiada e non responsable, contribuíndo a a súa rápida deterioración.
- Realizar plantacións de árbores, arbustos, etc., sen respectar as distancias mínimas marcadas regulamentariamente.
- Circular polos camiños rurais con calquera clase de vehículo de motor a unha velocidade superior aos 25 quilómetros /hora.
- Verter auga nos camiños por un inadecuado labor de rego ou calquera outra circunstancia.
- Estacionar calquera clase de vehículo ou remolques dentro dos límites do camiño, agás durante o tempo estritamente imprescindible, e sempre que non exista outra posibilidade nin se obstaculice gravemente o paso doutros vehículos.
- As accións ou omisións que causen danos ou menoscabo nos camiños sen que impidan o tránsito por estes.

2.- Son infraccións graves:

- A alteración dos fitos, mouteiras ou indicadores de calquera clase que teñan por obxecto sinalar os límites dos camiños, cando esta se produza co obxectivo de apropiarse da totalidade ou parte daquel.
- A ocupación dos camiños mediante valado de calquera tipo, cadeas ou outros elementos que interrompan o seu tránsito.
- A execución de obras, valado de leiras ou plantación de árbores e sebes que se efectúen sen respectar as distancias contempladas na lexislación urbanística ou no plan xeral.
- Danar ou deteriorar o camiño circulando con peso que exceda dos límites autorizados ou por arrastre de apeiros ou maquinaria.
- Realizar obras, instalacións ou actuacións non permitidas entre a aresta exterior da cuneta ou terraplén e a liña de cerramento ou edificación levadas a cabo sen a autorización municipal ou incumplir algunha das prescricións sinaladas na autorización outorgada.
- Colocar, botar ou abandonar obxectos ou materiais de calquera natureza nas cunetas, terrapléns ou terreos ocupados polos soportes da estrutura e que afecten á plataforma do camiño.
- A instalación de obstáculos ou a realización de calquera tipo de acto que impida o normal tránsito polo camiño.
- Efectuar a queima de restos de materiais agrícolas en camiños, así como nas súas gabias
- A cavadura ou plantación non autorizada.
- Utilizar o camiño, como estacionamento permanente ou para carga e descarga de forma habitual.
- A reiteración de dúas faltas leves polo mesmo infractor no prazo dun ano.

3.- Son infraccións moi graves:

- Executar calquera obras ou actuacións nos camiños que prexudiquen ou menoscaben gravemente o seu firme.
- Destruír, alterar ou modificar calquera obra ou instalación do camiño ou dos elementos estruturais deste.
- Subtraer, deteriorar ou destruír calquera elemento funcional do camiño ou modificar intencionadamente as súas características ou situación.
- Verter, de forma negligente e reiterada, auga de rega ou de chuvias en calquera camiño.
- Realizar calquera outra actividade que non estando enumerada nos apartados anteriores, supoña unha actuación contraria ás máis elementais regras do uso e goce de calquera camiño.
- A reiteración de dúas faltas graves polo mesmo infractor no prazo dun ano.

ARTIGO 10.

1. As sancións imporanse atendendo á súa repercusión ou transcendencia para a seguridade de persoas e bens, a conservación e estado do camiño e o impacto ambiental destas, atendendo ás circunstancias do responsable, o seu grao de culpa, reincidencia, participación e beneficios que o infractor obtivese da súa conduta.

2. A contía das sancións, complementando e adaptando o sistema de infraccións e sancións establecido nas leis sectoriais, non poderán supor novas infraccións ou sancións, nin alterar a natureza ou límites destas.

3. A contía das sancións por infracción da presente ordenanza non poderá exceder o seguinte límite:

- a. Infraccións leves, ata 750 euros
- b. Infraccións graves, ata 1.500 euros
- c. Infraccións moi graves, ata 3.000 euros

TÍTULO II . AUTORIZACIÓNS E RÉXIME XURÍDICO EN RELACIÓN AS CORTAS SACAS DE MADEIRA

ARTIGO 11

Por corta e saca de madeira deberá entenderse, para os efectos desta ordenanza, a totalidade das operacións que se desenvolvan dentro do municipio de Negueira de Muñiz que teñan por obxecto a obtención e transporte de madeira de corta, incluíndo tanto as operacións previas ou preparatorias á corta (desprazamento de vehículos e maquinaria, construción de ramplas ou accesos ás fincas, preparación do terreo etc.) como as posteriores (preparación e depósito da madeira, cargamento e transporte).

ARTIGO 12

1. Para realizar traballos de corta e saca de madeira en plantacións forestais deste Concello, cun volume estimado superior a 15 metros cúbicos, será obrigatorio presentar nas oficinas municipais unha comunicación previa por escrito, cunha antelación mínima de tres días ó comezo das actividades. Isto farase sen prexuízo da necesaria obtención, con carácter previo, dos permisos ou autorizacións que, conforme á normativa vixente, sexan necesarios, xa foren da autoridade forestal, de conservación da natureza, de protección de augas ou de preservación do patrimonio arqueolóxico.

2. O escrito de comunicación previa será asinado pola empresa madeireira, debendo constar nel os seguintes datos:

Datos identificativos empresa madeireira (denominación, número do NIF, enderezo e teléfono, nome e apelidos da persoa encargada ou responsable da empresa).

Especie de madeira obxecto da corta.

Volume de madeira que se prevé extraer.

Nome das fincas ou montes afectados, lugar ou sitio e parroquia.

Identificación catastral da finca ou monte afectado (polígono e parcela/s).

Datas previstas de inicio e remate dos traballos.

Lugar onde se depositará a madeira á espera da súa carga.

Fotocopia compulsada da solicitude ou do permiso, autorización ou licenza de corta expedido pola autoridade competente.

Fotocopia compulsada do seguro de responsabilidade civil ou calquera outro similar da empresa madeireira que cubra os eventuais danos e prexuízos que poidan causarse con ocasión da corta e saca de madeira, así como do último recibo pagado, acreditativo de que o dito seguro está vixente no momento de realizarse as ditas operacións.

3. O Concello de Negueira de Muñiz terá a disposición das persoas interesadas un modelo normalizado de escrito de comunicación previa, tal e como se recolle no anexo I.

4. O Concello de Negueira de Muñiz requirirá á empresa madeireira ou á persoa propietaria do monte ou predio forestal a presentación dun escrito de posta en coñecemento (o mesmo que o de comunicación previa) cando comprobe que a empresa madeireira non cumpriu coa súa obriga de presentar nas oficinas municipais a comunicación previa.

5. Exceptuase de todo o descrito anteriormente, e, polo tanto, do disposto na presente ordenanza, a realización de cortas para usos propios domésticos, entendendo como tales os que non teñan fins comerciais e teñan un volume máximo de 15 m³.

ARTIGO 13

1. A empresa madeireira será responsable directamente de todos os danos e prexuízos a persoas e bens que se produzan ou ocasionen con motivo da corta, depósito e transporte da madeira, debendo reparar o dano causado. O Concello de Negueira de Muñiz velará especialmente para que as ditas operacións de corta e saca de madeira non ocasionen danos nas vías públicas municipais e estas queden en adecuado estado de conservación, limpeza e seguridade.

2. A obriga recollida no punto anterior será esixible non só polos actos ou omisións propios, senón tamén polos cometidos por calquera persoa que, sen ser empregada ou traballadora da empresa madeireira, interveña nas operacións de corta e saca de madeira por conta, consentimento ou aquiescencia da empresa madeireira, e, en xeral, polos cometidos por aquelas persoas de quen deba responder.

3.-As persoas propietarias das parcelas de monte nas que se efectúen actividades de extracción de madeira serán responsables subsidiarios.

ARTIGO 14

1. A empresa madeireira estará obrigada a asumir os custes da reparación dos estragos producidos nas vías, nas estruturas anexas ou noutros elementos do dominio público local.

2. A empresa madeireira está obrigada á limpeza e retirada dos residuos da corta de madeira, de xeito que as pistas, camiños ou espazos públicos queden en todo momento no mesmo estado de limpeza e conservación que tiñan antes de levarse a cabo as operacións de corta e saca de madeira. A obriga de limpeza deberá cumprirse todos os días ao final da xornada de traballo.

3. Os depósitos de rolla, pólas, podalla ou demais restos non poderán invadir as zonas de circulación viaria, nin menoscar a funcionalidade das cunetas, gabias, canalizacións, pontellas ou calquera outra infraestrutura auxiliar ou anexa ós camiños ou vías, de cara a evitar riscos para as persoas usuarias.

4. Prohíbese que os refugallos que non sexan estritamente vexetais fiquen ou se depositen no monte, vías ou lugares non autorizados. Os residuos asimilables ós urbanos seleccionaranse e depositaranse no contedor municipal adecuado. Os residuos industriais, especialmente, aceites usados, entregaranse a un xestor autorizado de residuos.

5. As empresas madeireiras e/ou as persoas propietarias dos montes tratarán os restos forestais de maneira que minimicen o risco de incendio, dando prioridade ós tratamentos que supoñan a incorporación dos ditos restos ó ciclo produtivo agroforestal ou ó aproveitamento de biomasa forestal residual nas súas distintas variantes.

6. A empresa madeireira estará obrigada a sinalizar as vías situadas nas zonas de extracción e depósito de madeira conforme ao establecido na normativa vixente en materia de tráfico, circulación e seguridade viaria.

7. Prohíbese o uso das vías públicas para almacén ou depósito irregular da madeira. Entenderase por depósito irregular, para os efectos desta ordenanza, aquel que exceda de 30 días naturais.

8. A empresa madeireira ou o propietario forestal deberán derrubar e repor ao seu estado anterior as ramplas abertas para facilitar o acceso ao terreo ou ao monte, co obxecto de que, cando chova, a auga e a terra arrastrada non asolague e cause danos nas pistas ou camiños municipais.

9. As limpeza deberanse realizar nun prazo máximo de 72 horas a partir da retirada da madeira.

10. Deberán respectarse en todo caso o peso máximo para cada tipo de vía.

ARTIGO 15

1. As empresas madeireiras deberán depositar unha fianza (en metálico ou mediante cheque bancario) ou aval bancario en favor do Concello, co obxecto de responderen diante dos posibles danos non reparados voluntariamente, segundo se recolle nesta ordenanza. Para os efectos desta fianza (que debe ser depositada con anterioridade ao comezo dos traballos) establécense varias categorías:

M ³ €		ESTEREO €	
Hasta 15 m ³	Exento	Hasta 35 estereo	Exento
15-44 m ³	150,25 €	35-99 est.	150,25 €
45-89 m ³	300,50 €	100-199 est.	300,50 €

90-134 m ³	450,75 €	200-299 est.	450,75 €
135-199 m ³	692 €	300-399 est.	692 €
200-299 m ³	1.052 €	400-499 est.	902 €
300-399 m ³	1.352 €	500-599 est.	1.082 €
400-499 m ³	1.653 €	600-699 est.	1.352 €
500-599 m ³	2.104 €	700-799 est.	1.503 €
600-699 m ³	2.404 €	800-899 est.	1.803 €
700-799 m ³	3.005 €	1000-1199 est.	2.104 €
800-899 m ³	3.456 €	1200-1399 est.	2.404 €
900-999 m ³	3.907 €	1400-1599 est.	2.704 €
1000-1199 m ³	4.508 €	1600-1799 est.	3.005 €
1200-1399 m ³	5.108 €	1800-1999 est.	3.456 €
1400-1599 m ³	5.710 €	2000-2199 est.	3.907 €
1600-1799 m ³	6.311 €	2200-2499 est.	4.508 €
1800-1999 m ³	7.212 €	>2500 est.	6.010 €
>2000 m ³	8.414 €		

Unha vez comunicado o remate dos traballos por parte da persoa interesada, a tramitación administrativa do expediente da devolución da fianza completarase nun prazo de tres meses, toda vez que os servizos municipais comprobaren a inexistencia de danos nas vías, nas infraestruturas ou no dominio público local. En caso de que se observasen danos nas vías, sendo estes danos valorados mediante informe do técnico competente do Concello ou da Deputación Provincial de Lugo, e a fianza depositada fose insuficiente para cubrir os gastos de reparación, solicitarase á persoa responsable a diferenza restante.

ARTIGO 16

1.-Previamente ao inicio dos traballos e unha vez presentado o escrito de comunicación previa deberá realizarse unha inspección dos viais, onde se reflectirá o estado dos mesmos. O informe será realizado polo técnico competente, ben do Concello ou da Deputación de Lugo e deberá contar coa firma do representado da empresa explotadora, a modo de acta de inicio do traballos.

1. Transcorrido un prazo de sete días dende que se producise a destrución ou deterioro do dominio público viario local ou a acumulación de restos procedentes das operacións de carga e almacenamento determinado polo informe técnico correspondente, o Concello poderá realizar, con cargo á fianza, as operacións de reparación, corrección e/ou retirada de restos, sen prexuízo da sanción que proceda.

2. Se os danos foran dunha contía superior ao da fianza, o Concello elaborará un informe técnico sobre os ditos danos e requiriráselle ao responsable da corta para que abone as cantidades resultantes a maiores do establecido na fianza inicial. No caso de non ser atendido o dito requirimento, o Concello resérvase o exercicio das accións legais e fiscais oportunas.

DISPOSICIÓN DERRADEIRAS

1. A presente ordenanza entrará en vigor ao día seguinte da súa publicación no Boletín Oficial da Provincia.

2. A Alcaldía queda facultada para ditar cantas ordes ou instrucións resulten necesarias para a adecuada interpretación, desenvolvemento e aplicación desta ordenanza.

ANEXO I: MODELO DE COMUNICACIÓN PREVIA DAS OPERACIÓNS DE CORTA E SACA DE MADEIRA

Negueira de Muñiz, 21 de decembro de 2015.- O alcalde, Jose Manuel Braña Pereda

R. 4687

Anuncio

APROBACIÓN INICIAL ORZAMENTO 2016

Aprobado inicialmente en sesión ordinaria de Pleno deste Concello, de data 18.12.2015 o Orzamento Xeral, Bases de Execución, e a plantilla de persoal para o exercicio económico 2016 conforme ao previsto no artigo 169 do Texto Refundido da lei Reguladora de Facendas Locais aprobado por Real Decreto Legislativo 2/2004, de 5 de marzo e o artigo 20 do Real Decreto 500/1990, do 20 de abril, exponse ao público o expediente e a documentación preceptiva polo prazo de quince días dende a publicación deste anuncio, para os efectos de reclamacións e alegacións.